



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

25 Novembru 2013

Ministeriu Justisa no Tribunál la konsege konvense Komisaun A Parlamentu Nasionál atu aumenta orsamentu ba 2014

Iha relatóriu paraser final Komisaun A Parlamentu Nasionál (PN) decide hodi kansela proposta lubuk ida husi Ministeriu Justisa no Tribunál ne'ebé husu atu aumenta orsamentu ba planu asaun programa prinsipal. Komisaun A PN konsidera katak maioria proposta Ministeriu Justisa no Tribunál ne'e la tama iha Livru Orsamentál Planu Anual 2014 no balun tanbá la mai ho argumentu ne'ebé konvensidu.

“Ami konsidera ida ne'e la'os fallansu Komisaun A Parlamentu Nasionál (PN), maibé instituisaun rua ne'e maka la konsege define ho didiak sira nia planu asaun tuir preoridade prinsipál atu bele konvense Komisaun A hodi ajusta sira nia programa ho orsamentu ne'ebé sira propoin atu aumenta,” dehan, Diretor Interino JSMP Casimiro dos Santos.

JSMP konsidera situasaun ida ne'e loloos labele akontese tanbá sei fó influensia negativu ba funcionamentu servisu instituisaun rua ne'e atu garante justisa ba ema hotu ho efetivu.

Komisaun Revizaun Orsamentu ba 2014 aprova orsamentu ba Ministériu Justisa tokon \$19 resin no ba Tribunál tokon \$4 resin. Maibé, Ministériu Justisa husu ba Komisaun A PN atu aumenta tan orsamentu tokon \$6 no husi Tribunál husu aumenta tokon \$4.

Maske nune'é, Komisaun A la konkorda ba programa balun hodi kansela aumenta orsamentu atu uza ba rekrutamentu guarda prizaun ema nain 40, inklui funcionariu ba Diresaun Nasionál Terras e Servisu Cadastrais, alimentasaun ba prezioneriu sira, material ba Sentru Formasaun Juridiku, ekipamentus ba siguransa prizaun Gleno no Becora inklui ekipamentus ba komunikasaun. Aleinde ne'e, Komisaun A PN mos kansela osan atu aumenta ba viazen estranjeiru ba juíz sira, formasaun profesionál ba juiz sira, ofisial justisa sira, auditores inklui ofisiais justisa sira.

Komisaun A kansela mos proposta orsamentu reserva hodi selu juíz internasionál nain rua iha Tribunál Rekursu ne'ebé antes ne'e selu husi União Europeia, inklui sosa kareta Toyota Hilux 8 ne'ebé 4 sei oferese ba Câmara de Contas no 4 seluk sei fo ba Sekretariadu Tribunál Distritais no Toyota Prado 4 ba juíz nasionais sira.

JSMP rekomenda atu iha planu orsamental tinan oin mai, importante ba instituisaun sira tenki dezenvolve planu orsamentu ne'ebé realistiku no liu-liu atu asegura kordenasaun ne'ebé diak liu entre instituisaun relevante sira antes tama ba apresenta.

Antes ne'e iha peskija ne'ebé JSMP halo no apresenta liu husi konferensia imprensa iha 8 Novembru fulan ida ne'e nia laran hatudu katak Tribunál sira iha nesesidade urjente atu hadia sira nia servisu atraves husi fornese facilidade no kondisaun ne'ebé adekuaudu atu apoiu sira nia servisu. Ne'e inklui transportente, meus komunikasaun, komputadores, seguransa no sira nia ben-estar.

Atu hetan informasaun kompleitu, favor kontaktu:

Casimiro dos Santos

Diretór Interino JSMP

Diresaun e-mail: santos.cas76@gmail.com

info@jsmp.minihub.org

Telefone:3323883 | 77257466

Website: www.jsmp.tl

Face book: www.facebook.com/timorleste.jsmp

Twitter: @JSMPtl